

TEZAUUR LITURGIC
12 OCTOMBRIE

ACATISTUL
SF. CUVIOS
PAVEL STOJKOV
DE LA
TAGANROGSK



MOSCOVA, 2000

Акафист

святому праведному Павлу Таганрогскому

Кондак 1

Избранный чудотворче и угодниче Христов, пути неблазненного ко спасению образ подавая и духа теплотою мира хлад согревая, благодарно воспеваем ти, отче Павле; ты же, имея велие дерзновение ко Господу, от всякия скорби свободи верою зовущих ти: Радуйся, святой праведный Павле, предивный чудотворче!

Икос 1

Ангелом уподобитися возжелевый, на земли живый, богомудре Павле, от юности твоя красная мира сего отвергла еси; Христа ради земная расточивый, небесная преумножил еси. Темже ныне слышиши от всех похвалу сицевую: Радуйся, ветве благоплоднаго древа земнаго; радуйся, сонаследниче Царствия Небеснаго. Радуйся, пути теснаго ко спасению избрание; радуйся, неусыпное благодати стяжание. Радуйся, евангельскаго жития образ явивый; радуйся, прелесть мира тем обличивый. Радуйся, фимиаме чистоты благоуханный;

ра́дуйся, све́том Бо́жия любве́ осия́нный.
Ра́дуйся, утеше́ние люде́й благочестивых;
ра́дуйся, похва́ло иере́ев боголюбивых.
Ра́дуйся, моли́твы непреста́нное де́лание;
ра́дуйся, моле́ний ско́рое услы́шание.
Ра́дуйся, святы́й пра́ведный Па́вле, предивны́й
чудотво́рче!

Кондак 2

Ви́девый ре́вность твою́ о спасе́нии души́,
боголюбэ́зне Па́вле, роди́тель твой, про́мыслу
Бо́жию внем, отпусти́ тя на сте́зи
стра́нничества, благослове́ние ти препода́в; ты
же, о го́рном помышля́я, вы́ну ко Го́споду взыва́л
еси́: Аллилу́иа!

Икос 2

Разуме́ние богоразу́мное достоя́ние твоё бысть,
блаже́нне Па́вле, яко́ дом о́тчий оста́вил еси́,
Ца́рствия Небе́снаго взыску́я, и поко́й телесны́й
презрёв, в простоту́ и нестяжа́ние обле́клся еси́;
люди́е же ве́рнии, тща́ние твоё зря́ще, во
умиле́нии пою́т ти:

Ра́дуйся, по́чести ми́ра ни во что́же вмени́вый;
ра́дуйся, стра́нническое жити́е возлюбивый.
Ра́дуйся, о смиренному́дрии раде́ние;
ра́дуйся, в моли́твенном по́двиге поспеше́ние.
Ра́дуйся, рабо́м своимъ свобо́ду дарова́вый;
ра́дуйся, себе́ раба́ ве́рна Бо́гу сотвори́вый.

Ра́дуйся, поста́ радостное несéние;
радуйся, поко́я тленнаго отверже́ние.
Ра́дуйся, суéтнаго бога́тства отврати́выйся;
радуйся, да́ры духо́вными обогати́выйся.
Ра́дуйся, и́стиннаго богопозна́ния обрете́ние;
радуйся, Промы́сла Господня́ явле́ние.
Ра́дуйся, святы́й пра́ведный Па́вле, предивный
чудотво́рче!

Кондак 3

Си́лою благода́ти свы́ше укрепля́емь, по́двиг
пра́веднаго жити́я все́му ми́ру явил еси́,
трудо́ниче Бо́жий, в трезвении́ же и моли́тве дни
и но́щи пребыва́я, стро́гостию воздержания́
плоть умертвил еси́, яко́же и А́нгелом диви́тися
кре́пости твое́й, воспева́ющим Творцу́: Аллилу́иа!

Икос 3

Име́я ве́ру непосты́дную и лю́бовь
нелицеме́рную ко Го́споду, смиренномудре
Па́вле, вели́их дарова́ний от Него́ удосто́ился
еси́, во е́же наставля́ти заблуждши́я на стези́
спасе́ния, глаго́лющим ти:

Ра́дуйся, избра́нниче Небе́с преудобренны́й;
радуйся, сосу́де, Свята́го Ду́ха исполненный.
Ра́дуйся, та́йны душ челове́ческих прозрева́яй;
радуйся, судьбы́ Бо́жии лю́дем открыва́яй.
Ра́дуйся, опло́те благоче́стия, Промы́слом
Бо́жиим ми́ру явленны́й;

ра́дуйся, свети́льниче, Го́споду возжже́нный.
Ра́дуйся, ве́ру в немо́щных укрепля́я;
ра́дуйся, вра́жия наве́ты разруша́я.
Ра́дуйся, неради́вых пока́нное пробужде́ние;
ра́дуйся, нечу́вствием окамене́нных умиле́ние.
Ра́дуйся, ви́но це́льбоно́сное, ра́ны
омыва́ющее;
ра́дуйся, ми́ро чуде́творное, се́рдца
исцеля́ющее.
Ра́дуйся, святы́й пра́ведный Па́вле, предивны́й
чудотво́рче!

Кондак 4

Бу́рею скорбе́й потопля́еми и в грехо́вную
печа́ль погружа́еми, с наде́ждею взира́ем на тя,
святы́й кормчий, я́ко моли́твою не́когда мо́ря
волне́ние укроти́вшаго; те́мже и ны́не ко бре́гу
спасе́ния тобо́ю направля́еми, с благода́рностию
вопи́ем Бо́гови: Аллилу́иа!

Икос 4

Слы́шаще о благомо́щи тво́ем, вси
тружда́ющися и обремене́ннии притека́ют к
тебе́, уго́дниче Христо́в, зане́ вои́стину подае́т
Госпо́дь моли́твами тво́ими поко́й и ра́дование
всем, та́ко велича́ющим тя:

Ра́дуйся, в ско́рби ра́дости пода́ние;
ра́дуйся, во отча́янии луче́ спасе́ния.
Ра́дуйся, благопристу́пный уте́шителю;

ра́дуйся, неисто́щмый ми́лости подáтелю.
Ра́дуйся, ча́д надё́жное сохрaнёние;
ра́дуйся, недúгов их во здрáвие прeлoжéние.
Ра́дуйся, родитeльскiя слéзы осушáяй;
ра́дуйся, упoвáнию на Гóспoдa научáяй.
Ра́дуйся, укpощéние стихии стрaстéй;
ра́дуйся, рaзсе́яние мглы́ нaпáстей.
Ра́дуйся, лaмпáдо неугасíмая добpоде́лания;
ра́дуйся, свещé присногоря́щая милосéрдия.
Ра́дуйся, свyтýй прáведный Пáвле, предивный
чудотвóрче!

Кондак 5

Богopосвещéнный рáзум стýжaв, любoмýдре
Пáвле, o спaсéнии ближних рaдeл еси́ и, тpyды́
челoвeкoлюбiя неослáбне твopя́, тех нaучáл еси́
вoзносíти хвaлу́ Бóгу: Аллилу́иa!

Икос 5

Ви́дяще пóдвиги твoя́, дyшевeдче Пáвле,
не́кий тщeслáвный чeлoвeк с нaдмeнием
дeрзáше пoдpжáти тебe; oбáче ты, внýтpeнняя
пpозpeвáя, вeтxoмy мeхy тoгo упoдoбил еси́.
Пoмoзи́ и нaм, свyтe, тщeслáвиe пoбeждáти и
сeтeй вpáжиих избeгáти, вoпию́щим тaкoвáя:

Ра́дуйся, вeры бoгoизбpáнный учитeлю;
ра́дуйся, усeрдия сaмoчíннагo oбличитeлю.
Ра́дуйся, прeльщeнных нeлóжнoе вpазумлeние;
ра́дуйся, гopдoсти умoврeдныя пoсрaмлeние.

Ра́дуйся, ста́рче, сокрове́нная устро́яй;
Ра́дуйся, о́тче, в послуша́нии ча́д твои́х
наста́вляй.

Ра́дуйся, я́ко всему́дренне ду́ши врачу́еши;
ра́дуйся, я́ко смире́ния о́браз показу́еши.

Ра́дуйся, пло́дов духо́вных умно́жение;
ра́дуйся, пра́веднаго жити́я зна́мение.

Ра́дуйся, крото́сти Христо́вой уподо́бление;
ра́дуйся, землѝ блаже́нных насле́дование.

Ра́дуйся, святы́й пра́ведный Па́вле, предивны́й
чудоотво́рче!

Кондак 6

Пропове́дую жити́ем твои́м свет Ева́нгелия во
тьме грехо́вней пребыва́ющим, ве́рный ра́бе
Бо́жий, на распу́тиих призыва́л еси́ на пир
бра́чный ни́щия и бе́дныя, слепы́я и хро́мыя, да
возвели́чат и́мя Госпо́дне, немол́чно пою́ще:
Аллилу́иа!

Икос 6

Воссия́нием риз твои́х, досточу́дне Па́вле, я́ко
светови́ден столп яви́ тя Госпо́дь лю́дем Свои́м,
дивя́щимся снѣтию свы́ше на тебе́ благода́ти и
славя́щим тя:

Ра́дуйся, любви́ю О́тчею осия́нный;

ра́дуйся, да́ры Свята́го Ду́ха сниска́вый.

Ра́дуйся, и́мя Христо́во непреста́нно
помина́вый;

ра́дуйся, Стра́сти Его́ благоговейно
почита́вый.

Ра́дуйся, службы́ Бо́жия ревнителю́;

ра́дуйся, благоле́пия хра́мов попечителю́.

Ра́дуйся, ве́рности Пресвяте́й Трои́це горение́;

ра́дуйся, присное па́мятование о спасе́нии.

Ра́дуйся, сердца́ яко ла́мпады возжига́вый;

ра́дуйся, в ду́се любви́ насле́дие воспита́вый.

Ра́дуйся, скрижа́ле, Творце́м начертáнная;

ра́дуйся, бронё́ правды́, во бра́ни испытáнная.

Ра́дуйся, святы́й праведный Па́вле, предивный
чудотво́рче!

Кондак 7

Не хотя́ утайти́ безвѣстная́ и та́йная
прему́дрости Бо́жия, дивный ста́рче,
священноино́ку еди́ному предре́кл еси́ служе́ние
вѣлие во гра́де Иерусали́мсте; вневгда́ же ви́дети
тому́ сверше́ние проро́чества, хвалу́ Вы́шнему
вознесе́: Аллилу́иа!

Икос 7

Новозаве́тнаго открове́ния приятелище́ и
за́поведей Госпо́дних усердны́й исполните́лю,
Христа́ всем се́рдцем возлюбил еси́, подобне́ и
и́скренняго своего́ до конца́; сего́ ра́ди ны́не
слы́шиши благода́рное пе́ние:

Ра́дуйся, блаже́нство ева́нгельское избра́вый;

ра́дуйся, наслажде́ние тле́нное попра́вый.

Ра́дуйся, одея́ние смире́ния боготка́нное;
ра́дуйся, ковче́же ми́лости Божества́нныя.
Ра́дуйся, таланты́ земны́я умно́живый;
ра́дуйся, сокрови́ща небеса́ныя собра́вый.
Ра́дуйся, оза́рение свы́ше прие́мый;
ра́дуйся, от избы́тка се́рдца бли́жнему
подава́ый.

Ра́дуйся, водо́ю живо́ю ду́ши напо́яй;
ра́дуйся, ко Исто́чнику жи́зни обра́щай.
Ра́дуйся, со́ле земли́, е́юже да осол́имся;
ра́дуйся, све́те ми́ру, и́мже да просвети́мся.
Ра́дуйся, святы́й пра́ведный Па́вле, предивны́й
чудотво́рче!

Кондак 8

Стра́нничеством дух укрепля́я, богоблаже́нне,
пришле́ц на земли́ яви́лся еси́, к небеса́ному же
оте́честву устремля́ясь, о́браз ревнования́ о
го́рнем показа́л еси́ взыску́ющим Го́спода и
вопи́ющим: Аллилу́иа!

Икос 8

Все́м вся́ был еси́, о́тче Па́вле, собира́я о́вцы
под кров твой и путь спасе́ния сим указу́я,
ста́рца тя нарица́ющим и глаго́лющим ти:

Ра́дуйся, Спа́су Христу́ послужи́вый;
ра́дуйся, па́ству Его́ соблюды́й.
Ра́дуйся, ка́ющихся и заблудши́х окормле́ние;
ра́дуйся, о Бо́же странству́ющих попече́ние.

Ра́дуйся, све́том ду́ха омраче́нныя озаря́й;
ра́дуйся, по́мощию мно́гочу́дною тех осе́няй.
Ра́дуйся, изсо́хших душ лю́бовию ороше́ние;
ра́дуйся, в сих благода́рности Созда́телю
взра́щение.

Ра́дуйся, оти́шие наде́жное стра́ждущих;
ра́дуйся, насыще́ние а́лчущих и жа́ждущих.
Ра́дуйся, дво́ре, от стужа́ющих укрыва́яй;
ра́дуйся, ста́рче, во оби́тели Отца́ Небе́снаго
приво́дяй.

Ра́дуйся, святы́й пра́ведный Па́вле, предивны́й
чудоотво́рче!

Кондак 9

Вся́ким глаго́лом, исхо́дящим из уст Бо́жиих,
пра́ведне Па́вле, живы́й, неуста́нный
пропове́дник прича́стия Святы́х Таин яви́лся
еси́, о еди́нем Хле́бе Небе́сном всех, приходя́щих
к тебе́, пещи́ся наста́вляя и поуча́я Бо́гу
воспева́ти: Аллилу́иа!

Икос 9

Ветийство суесло́вное презре́в, честны́й Па́вле,
му́дрость евангельския простоты́ избра́л еси́,
науча́я чи́стым се́рдцем сла́вити Го́спода. Те́мже
взыва́ем ти:

Ра́дуйся, у́мныя моли́твы де́лателью;
ра́дуйся, пока́яния возвестите́лю.
Ра́дуйся, нищету́ духо́вную стяжа́вый;

ра́дуйся, помышлѣния твоя́ горѣ воздвиза́вый.
Ра́дуйся, в Бо́жих свидѣнннх наставлѣние;
ра́дуйся, из сѣтей безвѣрія избавлѣние.

Ра́дуйся, я́ко любѣзне с крѳткими бесѣдовал
еси́;

ра́дуйся, я́ко рѳпщущнх премудро увещавал
еси́.

Ра́дуйся, горделиваго разжжѣния угашѣние;
ра́дуйся, хладных серде́ц возгрѣяние.

Ра́дуйся, мре́же, Христу́ челове́ков
уловляющая;

ра́дуйся, землѣ, се́мя добро́е прозябающая.

Ра́дуйся, святы́й праведный Па́вле, предивный
чудотворче!

Кондак 10

Спасѣния хотя́ коемуждо, милосѣрдне Па́вле,
бли́жних к покая́нню призывал еси́; дѣнно и
но́щно о снх молѣтвы со слеза́ми вознося́,
непреста́нно вопия́л еси́ к Бо́гу: Аллилу́иа!

Икос 10

Стѣны ка́менныя темни́цы не возбранѣша
любви́ твое́й к заключѣнным дости́гнути, и́бо
ра́ди Христа́ мѣлость сию́ творѣл еси́,
заточѣнных печальниче, а́лчущнх пита́я,
жа́ждущнх напо́яя, наги́х одева́я. Те́мже прими́
от нас славослѳвие сицевѳе:

Ра́дуйся, десни́це щедрѳт неоскудева́ющая;

ра́дуйся, руко́, из пучи́ны бед извлека́ющая.
Ра́дуйся, призра́ние нищих и оби́димых;
ра́дуйся, приста́нище тихое томимых.
Ра́дуйся, слезных проше́ний благоприя́тие;
ра́дуйся, сокрове́нным воздыха́нием вня́тие.
Ра́дуйся, я́ко рыда́ющих на пе́рси прие́млеши;
ра́дуйся, я́ко немощных на рамена́
подъе́млеши.

Ра́дуйся, вся́кия тесноты́ разрешите́лю;
ра́дуйся, во обстоя́ниих су́щих изба́вителю.
Ра́дуйся, несокруши́мый наш заступни́че;
ра́дуйся, добропобе́дный миротво́рче.
Ра́дуйся, святы́й пра́ведный Па́вле, предивный
чудотво́рче!

Кондак 11

Пе́ние радостне творя́ще, свя́тии А́нгели
вознесо́ша на не́бо ду́шу твою́, пра́ведни́че
Па́вле, да уве́дят тя избра́нника Бо́жия вси
сумня́щиися, и прозрэ́вше возопио́ут
Вседержите́лю: Аллилу́иа!

Икос 11

Светозаре́нием со́лнца сликовству́ет небе́сная
Це́рковь Це́ркви земно́й о пренесении́ честных
моще́й твоих, святы́й Па́вле, и прославля́юще
просла́вльшаго тя Бо́га, воспева́ют ти А́нгели и
челове́цы:

Ра́дуйся, звездо́, на твёрди церко́вней
явленна́я;
ра́дуйся, све́том Со́лнца пра́вды Христа́
озаренный.

Ра́дуйся, я́ко в тебе́ благода́ть Бо́жия яви́ся;
ра́дуйся, я́ко лик святы́х и́менем твои́м
укра́сися.

Ра́дуйся, Небе́сныя Трапéзы прича́стниче;
ра́дуйся, на землѝ оста́вльшихся печа́льниче.

Ра́дуйся, гра́да при мо́ри покрови́телю;
ра́дуйся, Гра́да Небе́снаго жителю́.

Ра́дуйся, пла́чущим обетова́нное утеше́ние;
ра́дуйся, се́тования в ра́дость претворе́ние.

Ра́дуйся, наде́ждо, проше́ния предвари́ющая;
ра́дуйся, упова́ние, тьму уны́ния разгоня́ющее.

Ра́дуйся, святы́й пра́ведный Па́вле, предивный
чудотво́рче!

Кондак 12

Благода́тныя по́мощи кла́дязь неизсяка́емый
ты еси́, святы́й Па́вле, животворя́щую бо твою́ к
нам лю́бовь и по успе́нии твоём явля́еши,
неуста́нно моля́ся о нас пред Престо́лом
Госпо́дним, да попече́нием тако́вым в ве́ре
укрепля́еми, Бо́гу непреста́нно сла́ву возсыла́ем:
Аллилу́иа!

Икос 12

Поём многосла́вимыя по́двиги твоя́, земный а́нгеле, поели́ку чуде́са твоя́ умно́жишася зело́, и, ублажа́юще тебе́ я́ко многомо́щнаго о нас предста́теля, восхваля́ем тя:

Ра́дуйся, умире́ния оби́льный исто́чнице;
ра́дуйся, благоуве́тливый в ско́рбех
помощни́че.

Ра́дуйся, духо́вных боле́зней исцеле́ние;
ра́дуйся, теле́сных неду́гов врачевание.

Ра́дуйся, сосу́де еле́я освяще́ннаго;
ра́дуйся, пше́нице чи́стая, благослове́нная.

Ра́дуйся, цве́те целому́дриа богоро́сный;
ра́дуйся, дре́во добродете́лей плодоно́сное.

Ра́дуйся, отча́янных кре́пкое наде́яние;
ра́дуйся, путе́й неправедных исправле́ние.

Ра́дуйся, неосла́бное о ча́дех твои́х предста́ние;
ра́дуйся, Го́спода ве́рное достоя́ние.

Ра́дуйся, святы́й праведный Па́вле, предивный
чудотво́рче!

Кондак 13

О, чудотво́рче предивный и пресла́вный,
святы́й праведный Па́вле! Ны́нешнее на́ше
приём приноше́ние, не оста́ви нас, в немо́щех и
нестро́енных су́щих, грехи́ мно́гими
обремене́нных, бу́ди нам помощник
необори́мый, моли́твенник дерзнове́нный и
ходата́й усердный, на Стра́шнем же суди́щи

Христо́ве испроси́ нам удела́ избра́нных, да сподо́бимся с тобо́ю воспевати́ Бо́гу: Аллилу́иа!

Моли́тва

О, великий уго́днице Бо́жий и чудотво́рче, отче Па́вле! Ты́, на вы́соту добродете́лей возше́д, я́ко пресвѣтлая звезда́, жити́ем твои́м возсия́л еси́ и, стра́нническое жи́тельство избра́в, ми́ра сего́ кра́сная ни во что́же вмени́л еси́. Те́мже Всепра́ведный Судия́ мно́гими чудесы́ тя просла́ви, ду́шу же твою́ святу́ю в небесны́я оби́тели всели́, иде́же, любве́ Бо́жия наслажда́ясь, на́ша ну́жды зри́ши и проше́ния слы́шиши. Сего́ ради́ бу́ди на́м в недúзех целите́ль, по мо́рю пла́вающим ко́рмчий, и утопа́ющим благонаде́жное изба́вление. О, Па́вле блаже́нне, испроси́ все́м, во вся́цей ну́жде су́щим, и ко твоему́ заступле́нию прибега́ющим, вся́кий да́р коему́ждо благопотре́бен: ве́ры и любве́ преспе́яние, благоче́стия умноже́ние, ми́ра утвержде́ние, больны́м исцеле́ние, печа́льным утеше́ние, бе́дствующим по́мощь, оби́димым заступле́ние. И сподо́би ны, уго́днице Бо́жий, моли́твами твои́ми благоче́стно жити́е земно́е сконча́ти, Небе́сное Ца́рствие и живо́т ве́чный унасле́дити со все́ми святы́ми во ве́ки веко́в. **Ами́нь.**